

ادبیات کمبریج

هفتہ لق سیاسی ، علمی و ادبی غزتہ در

جلد : ۲

سنہ : ۲ ۷ ربیع الاول ۱۳۳۶ ۲۲ کانون اول ۱۹۱۷ نومبر ۱۶ — ۲۷

اجمال فکر

طلبہ عثمانیہ و اروپا

ممالک عثمانیہ دن ، دائماً ، طونیا توتولرله اوروپایہ خام مواد ، یوک ، ایپک ، دری ، آفیون کیندیور . بونلر ، اوراده ، غرب عقل وسعینک التحاق وانضمامیله ایشلمش برمتاع ، ظریف برقوستوم ، نارین ، وشفاف برچارشاف ، کوزل وصاغلام برقوندره ، برشیشه دوای شافی شککنده اصلنه رجوع اییدیور .

عجبا ، بونک کبی ، بورادن غربه ایشلمه مش سرمایہ آدمی کوندروب ، ایشلمش امتعہ انسانیہ جلب ایتک قابلیدر ؟ بوجھتک ، شیمدیلاک ، تدقیق فضولیاتندر . شو قدر وارکه تا سلطان محمود عدلی عهدندن بری ، مملکت مزده صنف مجدد وممتاز بوفکرہ قناعتکار اولدیغندن ، بعضاً آز ، اکثریتله چوق ممالک غربیہ و بالخاصہ فرانسیہ طلبہ کوندرمشدر .

آره دن تقریباً برعصر کچدی . شو محاربه عمومیہ رأس تاریخینده کوچک بریلانچو تنظیم ایتک اقتضا ایدر . کندی کندضره صوراریز : اولاً - کیدنلر تغرب ایدرک انسای غربک خصائل آلیہ سنه تمثیل ایتدیلمی ؟ ثانیاً - بونلر دن وطن وملت مستفید اولدیمی ؟ ثالثاً - شہراہ تکاملده توقف ویاتدی ایدن برھیئت ، جبرمافاة ایتک ، ایلرینک ایچون بویلمی حرکت ایتلی ایدی ؟

ظنمز سراپای خطا و ذھول دکلسه ، شو اسئلہ ثلثہ بزم ایچون برنجی درجہ ده حائز اهمیت مواد غامضه و معضله در . اوروپانک بر جاذبه سی وار : حیات مادیه ومعنویہ اوراده دھا طاعتی . اذواق واشواق دھا زیادہ اودیارده دھا فضله و دھا ای یاشانیور . اوروپایہ بر کیدن دکل ، اورانک جریان حیاتی طویان و بنا رسملرنی کورهن بیله کشور افرنجک مسحور آھنکی اولیور . بناء علیہ ، برچوجق ، اوروپایہ کیتک احتمالی ذھننه برلشدر برلشدر برلشدر ، کلین اوله جغنی قوران برقیزکی ، معناً بر بجران ومستی لطیفه اوغرییور . لکن ، اطفال حائز پایہ رشد اولدقلرندن کیندیلرینک بویابده بررأی ومطالعہ سی اوله ماز .

قارلی برکان

او کوچوک میلکی دویدم دویالی
 اویدی عقیم کوکل آوارہ سنہ . .
 کوزلرم باغلی ، باشم جمالی
 قوشدم عشقک نی چاغرآن بسسنہ !



صانیکہ قلم سنہ لردنبریدر
 قارلی برطاغ کبی دونمشدی نیم ؛
 قارلی طاغلزده کی برکان کبیدر
 شیمدی عشقکاه کوکل یاسمنم .

تخصیص : اہمیر

تورکک منشاہ وائر

(بطلمیوس) ہ نظرًا قریب تر کسمائیک ممدودی

مشہور ہیأت شناس (بطلمیوس) [۱] Ptolémée جغرافیاسندہ یالکن آسیا (سکیتیا)
 سندن [یعنی آسیا ترکستان قدیمندن] بحث ایدوب بوقطعہ جسمہ نی ایکی قسمہ تقسیم ایدرہ بری
 (ایما اوس) [۲] Imaüs طاغلرینک بری طرفندہ [یعنی غرب جہتندہ] یولونان (سکیتیا)
 ودیکری مذکور طاغلرک اوتہ طرفندہ [یعنی شرق جہتندہ] کائن (سکیتیا) . مؤلف ہوایکی
 قسمدن برنجیسنی غرباً (را) Rha [یعنی وولغا] نہری ، جنوباً بحر خزر ایلہ (اوکسوس)
 [۳] Oxus [یعنی جیحون] نہری ، شرقاً (ایما اوس) طاغلری [۴] و شمالاً اراضی جھولہ

[۱] مصرلی یونانیلردن اولوب ایکنجی قرن میلادینک بدایتندہ تولد ایتشدر .

[۲] (ایما اوس) داغلری (ہمالایا) طاغلری دیمک ایسده بطلمیوس بورادہ غربی ہمالایا

طاغلرندن شمالہ متوجہاً آیریلان (بلور) طاغلرینی مراد ایتشدر .

[۳] (اوکسوس) نہری (اوغوز) نہری دیمکدر .

[۴] اوائلدہ بو طاغلرک شمالاً شمال دہ کیزینہ قدر امتداد ایلہ دیککی ظن اولنور ایدی .

ایله تحدید ایدرکه بوده اوروپا قطعه سنده کائن روسیه نك وولغا نهریله اورال طاغلیری بیننده بولونان قسیمیه بوتون غربی سبریا و (آرال) ده کیزینك شرق و شمالنده بولونان ترکستان قسیمی دیمك اولور . ایکنجی قسیمی حدودی ایسه غرباً (ایما اوس) طاغلیری ، شمالاً اراضی مجهوله ، شرقاً (سهریقی) Sérigue خطه سی [یعنی ایپک چیقان چین] و جنوباً (تمود) Emodes [یعنی هیالایا] طاغلیریله آریلان هندستان قسیمی اولوق اوزره کوسترلشدز .

بو حالده (بطلمیوس) یونانیلرک (کوجوک سکیتیا) تسمیه ایتدکلری وبالاده بیان اولندیغی اوزره حدود غربیه سی طوته نهریله (تراکیا) یه [یعنی روم ایلی شرقیه] قدر امتداد ایله یس اوروپا قسمندن بحث ایله مدیکي حالده آسیا قطعه سنده کائن اولان (سکیتیا) نك حدود اصلیه سنی سترابون و سائر مؤلفین یونانیه نك تعریفلری وجهه اراثة ایتکده در .

امدی بالجمله مؤلفین قدیمه نك کرک (سکیتلر) [۱] و کرک (سکیتیا) حقیقه ویردکلری معلومات مهمه تاریخیه میدانده طور مقده و بو صورتله آسیا قطعه سنك قسم اعظمی ایله اوروپا قطعه سنك جهت شرقیه جنوبیه سی صرف تورکلکه حصر ایدلش بولمقده ایکن بونلرک کافه سنی کائن لم یکن حکمنده طوته رقی قدیم یونانیلر طرفندن اسملری بیله ذکر اولونمایان واقصای شرقیه چین حدودنده برکوشه مجهولیتده یتشه رک حیات قومیه جه غرب تورکلرندن و سکیتلردن قدماً پک دون اولان موغوللردولایسیله عموماً تورکلری عرق اصفردن نشأت ایتدیرمک قدر بویوک برخطا و غفلت اوله بیلیرمی ؟ اوت ، اسکی تورکلر بر بحر عمان کی کثرت بی نهایتله دنیانک هر طرفنه قوللر صالدقلری حالده چین جهته کیدن و بو حوالیده ضرور زمان ایله بر قومیت پیدا ایدن موغوللر نصل اولورده بوتون تورکلرک اجدادی اوله بیلیرلر ؟ موغوللر حقیقت حالده اولدیغی کی چینلیر و تبتیلیر ایله اتصال ایله مش تورک اولادی اولما بوده بالعکس بوتون تورکلرک اجدادی اوله جق اولسه لر ایدی ، نصل اولورده عادات و اخلاجه چینلیره بکزه مهین ، چین لسانی تکلم ایتمهین ، چینلیر کی یاشامایان و دائماً یوزوک حیاتی کچیرن ، سیماجه موغوللر استثنای ایدلدیگی حالده قیاس قبول ایتمز بر اکثریتله چینلیره اصلاً بکزه مهین تورکلر ؛ نصل اولورده ، دنیانک پک بویوک بر قسیمی اوزرنده بوطن و بوتون آسیا قطعه سنده تحکم ایتش ، بو قدر کثیر و بو قدر قدیم اولدقلری حالده نه شرقیه چین علما و مؤلفینک و نه ده غربیه یونانیلر ایله رومالیلرک هیچ معلوماتی اولقسزین عرق اصفره منسوب اوله بیلیرلر ؟

چینه کیتدک ، چینلیر کی کوردک . بو مظلوم و ساکن اهالی ایچنده ترکستان شرقی ویا چیندن کلش بر تورکی هان سیامسندن تفریق ایتمک ممکن دکلدز . خصوصیه سبریا ایله روسیه ایچریلرندن کچر ایکن بولده کوردیکمز تورکلری و قیرغیزلری چین اولادی عد و اعتبار ایله مک قدر واهی بر فکر اوله ماز . اوائله کلنجه ، مسئله عادتاً کولنج بر شکل آلیر ، چونکه آسیان قالدقهرقی پی در پی اوروپایه هجوم ایله روما امپراطورلغنی هرج و مرج ایتش ، دنیایی تیتشمش اولان او باربارلر [۲] و او جنکاورلر هیچ بر وقت حلیم و سلیم و صنعتکار چینلیرک احفادی اوله مازلر .

[۱] بالاده ایضاح اولندیغی اوزره - (تورک) کله سی کی - (طاغلی) دیمک اولان (چیفیتلر)

یعنی (چیفاتایلر و چیغیلار) .

[۲] بو کله زیزده کوریه لکه چی اوزره تاریخده صوک درجه حائز اهمیت بر تعبیردر .

اگر تورک‌کارک موغول نسلندن منشعب اولسی احتمالی اولمش اولسه ایدی، هیچ جنکیز خان احقادندن اولان بهادر خان (اوشال شجره ترکی) نام اثرنده موغوللر ایله تاتارلری تورک‌عراقته انتساب ایتدیریری ایدی؟

(هندستانه سکیتیاسی یعنی ترکستانه هندی)

(کوچوک سکیتیا) ویا (اوروپا سکیتیاسی) ایله (آسیا سکیتیاسی) نه اوچنجی بر سکیتیا دخی علاوه ایتک ایجاب ایدرکه اوده (هندستان سکیتیاسی) یعنی (ترکستان هندی) دره. بوسکیتیا (طوخارستان) [۱] Tocharistan سکیتلری اولان (طوخارلر) اسکندرک وفاتندن سوکره آسیاده تأسس ایدن حکومت یونانیهدن بری بولونان (باختر) ولایتی Bactriane [یعنی بلخ خطه‌سی] تقریباً میلاددن ۱۲۶ سنه مقدم یونانیلردن استرداد ایله دکن سوکره اولجه اسکندرک فتح ایتش اولدینی هندستان قسمنی دخی دائره حکومتلرینه علاوه ایله یه‌رک بو صورتله (سند) نهرینک دلطه‌سیله ساحلینی و ساحل یساری حوالیسندن یعنی شمدهکی حاله نظراً هندستانده کاش (مولتان) و (سند) خطه‌لرینک جهت غربیه لرله افغانستان و بلوچستانک جهت شرقیه لرندن و (طوخارستان) ایله (باختر) خطه‌سندن متشکل بر دولت عظیمه وجوده کتیرمشلردرکه بو مملکته یونانیلر (هندستان سکیتیاسی) نامنی ویرمشلردر .

(بطلمیوس) کندی زماننده موجود اولان بوسکیت حکومتی بری شمالی و دیکری جنوبی اولق اوزره اسم مخصوصلریله ایکی قسمة تفریق ایدر . ایکی بیک سنه مقدم تشکل ایله مش اولان بو تورک دولتک حکمدارلری (باختر) جهتده قالمش اولان یونانیلرک لسانلریله اخلاق و صنایعی محافظه ایله دکن باشقه کندیلریده مدنیت یونانیه‌یه تابع اوله‌رق ضرب ایتدیرمش اولدیلری سکه‌لرده (یونان و باختر) پادشاهلری عنواتی استعمال ایله مشلردر .

[۱] کتابلری زده (طوخارستان) شکلنده یازیلان بوتورک خطه قدیمه پی شمده افغانستانه تابع اولوب بلخ خطه‌سنگ شرقنده کاشندر .

مقاهد ارکان حربیه فریق

انور

شهرزاده « بایزید » [۱]

احمد رفیق بکه

حج‌جاه انسانلرک فساد اخلاقنه بادیدر. هله ریاست دنیویه‌نک اک یوکسکی اولان پادشاهلغه ارتقا ایدن انسانلر بوموقع بالاترینی ضیاعه اوغرا تمامق ایچون اللرندن کلنی یا عمده قصور ایتزلر، رقیبلرینک ازاله وجودینه، حق حیاتندن محرومیتلرینه قدر ایلری کیدرلر. حتی غریبدرکه انسان دینلن مخلوق عجیب بویله یوکسک بوموقع صاحبی اولدجه ده خلق، و ابنای جنسنه، علی‌الحصوص اقاریب و خویشاننه قارشی ده متواضع و مشفقدر. فقط برکه اولردن یوکسکی، اطرافنده کیلره حکم

[۱] سرگذشت حیاتی بدبخت (جم) ککنده ده الیم اولان شهرزاده بایزیده دائر یازمده اولدیغمن اترک کرینکاه مقامنده کی ایکی اوج فصلنی شمیدین انظار قاریینه عرض ایلوروز . م. د